



Icyegeranyo cy'amakuru y'imikino yaranze icyumweru

2023

Taliki 24–28 Kanama



P.1 Volleyball : Ikipe y'u Rwanda yegukanye umwanya wa 4 mu mikino y'Afurika

Ijambo ry'ibanke

Komite Olempike y'u Rwanda yashyizeho iki cyegeranyo mu rwego rwo kurushaho kumenyekanisha ibikorwa byayo n'iby'abanyamuryango bayo (Amashyirahamwe y'lmikino mu Rwanda) hagamijwe gukomeza guteza imbere siporo no kuyikundisha Abanyarwanda muri rusange by'umwihariko abakiri bato.

Iki cyegeranyo gikubiyemo amakuru n'ibikorwa bya siporo byaranze icyumweru, kikazajya gisohoka rimwe mu cyumweru.

Ntigisimbura kandi izindi nzira Komite Olempike y'u Rwanda isanzwe ikoresha mu kugeza amakuru ku banyamuryango bayo n'abanyarwanda muri rusange.

Ibirimo

P1

Volleyball: Ikipe y'u Rwanda yegukanye umwanya wa 4 mu mikino y'Afurika

P2

Football: Habaye imikino y'umunsi wa kabiri wa shampiyona

P2

Athletics: Hakizimana yegukanye umwanya wa 9 muri shampiyona y'Isi

P3

Football: u Rwanda rwasinye amasezerano y'ubufatanye na Bayern Munich

P3

Football: APR FC yakomeje mu cyiciro cya kabiri mu mikino y'Afurika

P4

Football: Rayon Sports izahura na Al Hilal Benghazi mu mikino y'Afurika

P4

Basketball: APR BBC na REG BBC zageze ku mukino wa nyuma wa "Playoffs 2023"

P5

Tennis: Gatoto na Tamina begukanye irushanwa Mpuzamahanga ry'abato

P6

FEASSSA 2023: Uganda yegukanye umwanya wa mbere

Volleyball : Ikipe y'u Rwanda yegukanye umwanya wa 4 mu mikino y'Afurika

Kuva taliki 16 kugeza 24 Kanama 2023 i Yaoundé muri Cameroun habereye imikino y'Afurika muri Volleyball mu cyiciro cy'abagore "Women's African Nations Volleyball Championship 2023" aho ikipe ya Kenya yitwaye neza ikegukana igikombe naho ikipe y'u Rwanda isoreza ku mwanya wa kane.

Iri rushanwa ryari ryitabiriwe n'amakipe 12 aho yari yashiyizwe mu matsinda abiri. Itsinda A ryari rigizwe na Cameroun, Nigeria, Burundi, Mali, Algeria na Misiri naho itsinda B rigizwe na Kenya, Maroc, u Rwanda, Uganda, Burkina Faso na Lesotho.

Nyuma y'imikino y'amajonjora mu matsinda, amakipe 8 yakomeje muri ¼ cy'irangiza aho ikipe y'u Rwanda yahuye na Algeria iyitsinda amaseti 3-2 (23-25, 15-25, 25-18, 25-23 na 16-14), ikipe ya Misiri yatsinze Uganda amaseti 3-0 (25-13, 25-18 na 25-11), Kenya itsinda Nigeria amaseti 3-0 (25-14, 25-17 na 25-11) naho Cameroun itsinda Maroc amaseti 3-0 (25-17, 25-23 na 25-13).

Muri ½ cy'irangiza, ikipe y'u Rwanda yatsinzwe na Misiri amaseti 3-0 (25-14, 25-11 na 25-10) naho Kenya itsinda Cameroun amaseti 3-1 (25-27, 25-14, 25-11 na 25-18).

Ubwo hasozwaga iri rushanwa, taliki 24 Kanama 2023, ikipe ya Kenya yitwaye neza itsinda ku mukino wa nyuma Misiri amaseti 3-0 (25-22, 25-20 na 25-14). Mu guhatanira umwanya wa gatatu, ikipe ya Cameroun yari ifite igikombe giheruka muri 2021 itsinda u Rwanda amaseti 3-1 (21-25, 25-15, 25-14 na 25-15).


Ikipe ya Kenya yegukanye iki gikombe ku nshuro ya 10 (1991, 1993, 1995, 1997, 2005, 2007, 2011, 2013, 2015 na 2023). Yاهرىكaga kucyegukana muri 2015 naho inshuro 3 zikeruka cyari gifitwe n'ikipe ya Cameroun (2017, 2019 na 2021).

Ikipe y'u Rwanda yakoze amateka kuko ni inshuro ya mbere isoreje mu makipe 4 ya mbere muri Afurika.

Uko amakipe yakurikiranye

Ikipe ya Kenya (1), Misiri (2), Cameroun (3), u Rwanda (4), Algeria (5), Nigeria (6), Maroc (7), Uganda (8), Mali (9), Burkina Faso (10), Burundi (11) na Lesotho (12).

Aya makipe atatu ya mbere, Kenya, Misiri na Cameroun yabonye itike yo kuzahagararira Afurika mu mikino ya nyuma y'igikombe cy'Isi muri 2025 "FIVB Volleyball Women's World Championship 2025" muri Vietnam.



Football : Habaye imikino y'umunsi wa kabiri wa shampiyona

Taliki 25 kugeza 28 Kanama 2023 habaye imikino y'umunsi wa kabiri wa shampiyona y'icyiciro cya mbere mu mupira w'amaguru mu bagabo. Imikino y'umunsi wa gatatu biteganyijwe ko izaba taliki 01 kugeza 03 Nzeri 2023.

Uko imikino yagenze

Taliki 25-08-2023

- Gasogi United 2-0 Muhazi United

Taliki 26-08-2023

- Sunrise FC 1-0 Etoile de l'Est
- Musanze FC 1-0 Bugesera FC
- Mukura 1-0 Marines FC
- Kiyovu 2-0 AS Kigali

Taliki 27-08-2023

- Gorilla FC 0-0 Rayon Sports

Taliki 28-08-2023

- Amagaju FC 2-0 Etincelles FC
- APR FC 1-0 Police FC



PRIMUS NATIONAL LEAGUE STANDING DAY 2

NO	TERM	GP	W	D	L	GF	GR	GD	PTS
1	MUSANZE FC	2	2	0	0	5	1	4	6
2	AMAGAJU	2	1	1	0	3	1	2	4
3	SC KIYOVU	2	1	1	1	2	0	2	4
4	RAYON SPORT	2	1	1	0	2	1	1	4
5	MUKURA VS	2	1	1	0	2	1	-1	4
6	GASOGI UNITED	2	1	0	1	3	2	1	3
7	POLICE FC	2	1	0	1	2	1	1	3
8	APR FC	1	1	0	0	1	0	1	3
9	AS KIGALI	2	1	0	1	1	2	-1	3
10	SUNRISE FC	2	1	0	1	1	2	-1	3
11	GORILLA FC	2	0	1	1	1	1	0	2
12	ETINCELLES FC	2	0	2	0	1	3	-2	1
13	MUHAZI UNITED FC	2	0	1	1	0	2	-2	1
14	MARINES FC	1	0	0	1	0	1	-1	0
15	BUGESERA FC	2	0	0	2	0	2	-2	0
16	ETOILE DE L'EST	2	0	0	2	1	4	-3	0



Athletics : Hakizimana yegukanye umwanya wa 9 muri shampiyona y'lsi

Kuva taliki 19 kugeza 27 Kanama 2023 mu Mujyi wa Budapest muri Hongiria habereye shampiyona y'lsi mu mikino ngororamubiri " World Athletics Championships 2023".

Muri iyi mikino yari ibaye ku nshuro ya 19, u Rwanda rwaserukiwe n'abakinni 3 bahatanye muri Marato (42,1 km).

Mu bagabo hari abakinni babiri aho Hakizimana John wasoreje ku mwanya wa 9 akoresheje amasaha 2, iminota 10 n'amasegonda 50 naho Muhitira Felicien ntiasiwa kuko yavuyemo amaze gusiganwa kilometero 32.

Victor Kiplangat ukomoka muri Uganda ni we wegukanye umwanya wa mbere akoresheje amasaha 2, iminota 8 n'amasegonda 53 yakurikiwe na Maru Teferi ukomoka muri Ethiopia akaba afite ubwenegihugu bwa Israel yakoresheje amasaha 2, iminota 9 n'amasegonda 12 naho ku mwanya wa 3 haza Leul Gebresilase ukomoka muri Ethiopia akaba yarakoresheje amasaha 2, iminota 9 n'amasegonda 19.

Muri iki cyiciro hari hitabiriye abakinni 85 baturutse mu bihugu 42. Abakinni 60 ni bo bashoboye gusoza.

Mu bagore, Mukandanga Clementine wari uhagarariye u Rwanda yasoreje ku mwanya wa 37 aho yakoresheje amasaha 2, iminota 37 n'amasegonda 09. Amane Beriso (Ethiopia) ni we wegukanye umwanya wa mbere akoresheje amasaha 2, iminota 24 n'amasegonda 23, ku mwanya wa kabiri haje Gotytom Gebreslase (Ethiopia) wakoresheje amasaha 2, iminota 24 n'amasegonda 34 naho ku mwanya wa 3 haza Fatima Ezzahra Gardadi (Maroc) wakoresheje amasaha 2, iminota 25 n'amasegonda 17.

Muri iki cyiciro hari hitabiriye abakinni 78 baturutse mu bihugu 47, abakinni 65 ni bo basoje isiganwa.



Football: u Rwanda rwasinye amasezerano y'ubufatanye na Bayern Munich

Taliki 27 Kanama 2023 ni bwo hatangajwe ko u Rwanda binyuze muri gahunda ya "Visit Rwanda" rwasinye amasezerano y'ubufatanye n'ikipe ya Bayern Munich yo mu cyiciro cya mbere mu Budage.

Aya masezerano azamara imyaka 5 (2028) agamije kumenyekanisha ubukerarugendo bw'u Rwanda binyuze muri gahunda ya "Visit Rwanda" ndetse no guteza imbere umupira w'amaguru bihereye mu bakiri bato aho iyi kipe ya Bayern Munich izashinga ishuri ry'umupira w'amaguru mu Rwanda.

Muri aya masezerano, hazabaho kwamamaza muri Sitade ya Bayern Munich "Allianz Arena" ahazajya hatambuka ijambo "Visit Rwanda" mu byapa byamamaza mu gihe cy'imikino.

Aya ni amasezerano ya gatatu, u Rwanda rugiranye n'ikipe y'umupira w'amaguru ku mugabane w'u Burayi nyuma ya Arsenal mu Bwongereza ndetse na PSG mu Bufaransa.



Football : APR FC yakomeje mu cyiciro cya kabiri mu mikino y'Afurika

Taliki 24 Kanama 2023, ikiipe ya APR FC yasezereye Gaadiidka FC yo muri Somalia ikomeza mu cyiciro cya kabiri mu mikino y'Afurika y'amakipe yabaye aya mbere iwayo "CAF Champions League 2023-2024".

Iyi kipe ya APR FC yasezereye Gaadiidka FC iyitsinze ibitego 3-1 mu mikino yombi. Umukino ubanza wabaye taliki 19 Kanama 2023, aya makipe yombi yanganyije igitego 1-1 aho ku ruhande rwa APR FC igitego cyatsinzwe na Mbaoma Victor Chukwuma naho Gaadiidka FC itsindwa na Nicholas Kagaba.

Umukino wo kwishyura wabaye taliki 24 Kanama 2023, ikiipe ya APR FC yatsinze Gaadiidka FC ibitego 2-0 byatsinzwe na Bemol Apam Assongwe na Mugisha Gilbert. Iyi mikino yombi yabereye kuri "Kigali Pele Stadium" i Nyamirambo.

Nyuma yo kwitwara neza, APR FC yakomeje mu cyiciro cya kabiri aho izahura n'ikipe ya Pyramids FC yo mu Misiri, umukino ubanza uzabera mu Rwanda hagati ya taliki 15 na 17 Nzeri 2023 naho umukino wo kwishyura ubere mu Misiri hagati ya taliki 29 Nzeri na 01 Ukwakira 2023.

Ikiipe izitwara neza hagati ya APR FC na Pyramids FC izahita ikomeza icyiciro cy'amatsinda "Group Stage".



Football : Rayon Sports izahura na Al Hilal Benghazi mu mikino y'Afurika

Taliki 27 Kanama 2027 ni bwo habaye umukino wo kwishyura mu mikino y'Afurika y'amakipe yitwaye neza iwayo "CAF Confederation Cup 2023-2024" hagati y'ikipe ya Al Hilal Benghazi yo muri Libiya na Kakamega Homeboyz FC yo muri Kenya maze Al Hilal Benghazi ikomeza mu cyiciro cya kabiri aho izahura n'ikipe ya Rayon Sports yo mu Rwanda itarakinnye ijonjora ry'ibane.

Iyi kipe Al Hilal Benghazi yasezereye Kakamega Homeboyz FC ku bitego 4-1 mu mikino yombi. Umukino ubanza wabereye Nyayo National Stadium i Nairobi muri Kenya, taliki 19 Kanama 2023, amakipe yombi yanganyije 0-0 naho umukino wo kwishyura, taliki 27 Kanama 2023, ikipe ya Al Hilal Benghazi yatsinze Kakamega Homeboyz FC ibitego 4-1. Umukino wabereye kuri Benina Martyrs Stadium mu Mujyi wa Benghazi.

Ikipe ya Rayon Sports itarakinnye ijonjora ry'ibane izahura na Al Hilal Benghazi. Umukino ubanza uteganyijwe hagati ya taliki 15 na 17 Nzeri 2023 uzabera kuri Benina Martyrs Stadium mu Mujyi wa Benghazi naho umukino wo kwishyura ubere kuri Kigali Pele Stadium i Nyamirambo hagati ya taliki 29 Nzeri na O1 Ukwakira 2023.

Ikipe izitwara neza izahita ikomeza mu matsinda. Ikipe ya Al Hilal Benghazi nta bwo iragera mu matsinda na rimwe mu gihe ikipe ya Rayon Sports muri 2018 yaviriyemo muri $\frac{1}{4}$ cy'irangiza.



Basketball : APR BBC na REG BBC zageze ku mukino wa nyuma wa "Playoffs 2023"

Taliki 23 kugeza 27 Kanama 2023 ni bwo habaye imikino ya $\frac{1}{2}$ ya "Playoffs 2023" mu mukino wa Basketball mu cyiciro cy'abagabo aho ikipe ya APR BBC na REG BBC zageze ku mukino wa nyuma.

Ikipe ya APR BBC yasezereye Patriots BBC iyitsinze imikino 3-0 naho REG BBC na yo itsinda Espoir BBC imikino 3-0.

Uko imikino yagenze

Taliki 23-08-2023

- REG BBC **85-79** Espoir BBC
- Patriots BBC **59-69** APR BBC

Taliki 25-08-2023

- Espoir BBC **53-93** REG BBC
- APR BBC **70-63** Patriots BBC

Taliki 27-08-2023

- REG BBC **96-60** Espoir BBC
- Patriots BBC **52-62** APR BBC

Mu bagore, ikipe ya APR BBC imaze gutsinda The Hoops imikino 2-0 (74-69 na 77 kuri 52) naho ikipe ya REG BBC imaze gutsinda IPRC Huye umukino umwe, amanota 103 kuri 83.

Taliki O1 Nzeri 2023 nibwo imikino ya nyuma itangira mu bagabo aho bazatanguranwa gutsinda imikino 4 muri 7 naho mu bagore harakomeza imikino ya $\frac{1}{2}$.



Tennis : Gatoto na Tamina begukanye irushanwa Mpuzamahanga ry'abato

Taliki 14 kugeza 26 Kanama 2023 muri IPRC Kigali Kicukiro habereye irushanwa mpuzamahanga mu mukino wa Tennis mu batarengeje imyaka 18 "ITF World Tennis Tour Juniors/Grade 4".

Iri rushanwa ryabaye mu byiciro bibiri, taliki 14 kugeza 19 Kanama 2023 ni bwo hakinwe icyumweru cya mbere cy'iri rushanwa maze mu bahungu, umukinnyi ukomoka muri Repubulika ya Tchèque, Jonas Kucera ndetse na Tamina Kotcha ukomoka mu Budage mu bakobwa bararyegukana.

Jonas Kucera yegukanye umwanya wa mbere atsinze ku mukino wa nyuma Alexey Shibaev ukomoka mu Burusiya amaseti 2-1 (6-4, 4-6 na 6-3) naho Tamina Kotcha yegukanye umwanya wa mbere atsinze ku mukino wa nyuma Elena Michel ukomoka mu Bufaransa amaseti 2-0 (6-3 na 6-3).

Mu bakina ari babiri mu bahungu, Jonas Kucera na Shibaev Alexey begukanye irushanwa batsinze Jay Lin Gibson wakinanye na Patrick Hinz amaseti 2-0 (6-0 6-2).

Mu bakobwa, Zosia Bielus na Tamina Kochta na bo bitwaye neza, batsinda Shana Martin Mao wakinanaga na Sisu-Makena Tomegah amaseti 2-0 (7-5 na 6-4).

Taliki 21 kugeza 26 Kanama 2023 habaye imikino y'icyiciro cya kabiri aho mu bahungu, Gatoto Allan ukomoka i Burundi yegukanye umwanya wa mbere atsinze Christopher Thies ukomoka mu Budage amaseti 2-1 (1-6, 6-3 na 6-3). Mu bakobwa, Tamina Kochta yongeye kwegukana umwanya wa mbere nabwo atsinze Elena Michel ukomoka mu Bufaransa nk'uko byari byagenze mu cyumweru cya mbere amaseti 2-0 (7-6 na 6-4).

Mu cyiciro cy'abakina ari babiri mu bahungu, Hakizumwami Junior na Gatoto begukanye umwanya wa mbere batsinze Alexey Shibaev wo mu Burusiya na Christopher Thies wo mu Budage amaseti 2-0 (7-5 na 7-5). Mu bakobwa, irushanwa ryegukanywe n'Umunya-Pologne Zosia Bielus (Pologne) ari kumwe na Rebecca Widan (South Africa) batsinze Farah Heddar (Algeria) ari kumwe na Tamina Kochta (Germany) amaseti 2-1 (1-6, 6-3 na 11-9).

Iri rushanwa rikaba riri ku rwego rwisumbuyeho ku rindi ryabereye mu Rwanda "ITF World Tennis Tour Juniors/ Grade 5" kuva taliki 24 kugeza 05 Gicurasi 2023.



FEASSA 2023 : Uganda yegukanye mwanya wa mbere

Taliki 17 kugeza 27 Kanama 2023 mu Karere ka Huye na Gisagara mu Ntara y'Amajyepfo habereye imikino ihuza ibigo by'amashuri yo muri Afurika y'lburasirazuba "FEASSA 2023" yari ibaye ku nshuro ya 20.

Iyi mikino yitabiriwe n'abanyeshuri bagera kuri 4500 bari baturutse mubihugu 4 ari byo Kenya, Uganda, Tanzania n'u Rwanda. Aba banyeshuri bahatanye mu mikino 13 itandukanye ari yo Umupira w'amaguru "Football", Volleyball, Basketball (3x3 na 5x5), Handball, Badminton, Imikino Ngororamubiri "Athletics", Table Tennis, Tennis, Koga "Swimming", Hockey, Netball, Goalball na Rugby (7's na 15's).

Uganda ni yo yitwaye neza aho yasoreje ku mwanya wa mbere nyuma yo kwegukana imidali 37 harimo 17 ya zahabu, 11 ya Feza na 9 y'Umulinga. Kenya yaje ku mwanya kabiri aho yegukanye imidali 23 harimo 8 ya Zahabu, 8 ya Feza n'indi 7 y'Umulinga naho u Rwanda ruza ku mwanya wa 3 aho rwegukanye imidali 17 harimo 4 ya Zahabu, 4 ya Feza n'indi 9 y'Umulinga naho Tanzania yegukanye imidali 8 harimo umwe wa Zahabu, 4 ya Feza n'indi 3 y'Umulinga.

Imikino y'umwaka utaha wa 2024 biteganyijwe ko izabera muri Uganda.





Website: www.olympicrwanda.org

www.olympicrwanda.org/commonwealth

Email: cnosr@olympicrwanda.org | @RwandaOlympic

Address: Remera-Hallmark Center Building KG 17 Ave